

## Омонат (депозит) шартномаси №

2025 \_\_\_\_\_

Тошкент шаҳри

“Гарант банк” акциядорлик жамияти томонидан \_\_\_\_\_ йилда берилган \_\_\_\_ - сонли ишончномага асосан фаолият кўрсатувчи “Гарант банк” АЖ Амалиёт бошқармаси/ \_\_\_\_\_ БХО номидан банк бошқарувчиси \_\_\_\_\_ келгусида “Банк” деб юритилувчи, бир томонидан ва ўз номидан ёки унинг номидан ҳаракат қилувчи фуқаро \_\_\_\_\_, келгусида “Омонатчи” деб аталувчи, иккинчи томондан ушбу шартномани қуйидагилар тўғрисида туздилар.

### 1. Шартнома предмети

1.1. “Омонатчи”дан “Банк” 20606-депозит туридаги ҳисобварағига АҚШ доллар пул маблағларини қабул қилади ва ушбу шартноманинг 1.2 - бандида белгиланган шартлар асосида нақд пул ёки нақд пулсиз шаклда омонатни фоиз даромадлари билан қайтаради.

1.2. Омонат турининг номи “**Smart**”, топшираётган маблағ миқдори \_\_\_\_\_ АҚШ доллар, сақлаш муддати 24 (йигирма тўрт) ой, фоиз ставкаси йиллик 6 (олти) фоиз.

1.3. Омонатларга маблағлар қўйидаги шартлар асосида қабул қилинади:

- омонатни қабул қилишнинг энг кам миқдори 10 000 (ўн минг) АҚШ долларлари ташкил этади. Омонатга маблағ жойлаштиришнинг юқори чегараси белгиланмаган;
- омонатчининг дастлабки суммаси устига қўшимча маблағ қабул қилиш ушбу тартибга мувофиқ 12 (ўн икки) ойгача рухсат этилади;

1.4. Фоизлар ҳар ойда тўлаб борилади. Омонатга қўйилган пул маблағларини омонат муддати тугагунга қадар қисман ечиб олиш имконияти мавжуд эмас. Омонатчи томонидан мазкур омонатга қўйилган маблағини шартномада кўрсатилган муддатдан олдин олиш истагини билдирса, фоизлар қуйидаги тартибда тўланади:

- Омонат 6 (олти) ойга қадар сақланган тақдирда йиллик фоиз тўланмайди;
- Омонат 6 (олти) ойдан 24 (йигирма тўрт) ойга қадар сақланган тақдирда йиллик 6 (олти) фоиз миқдорида тўланади.

1.5 Омонатга ҳисобланган фоизлар капитализация қилинмайди, яъни ҳисобланган фоизларга қўшимча тарзда фоиз ҳисобланмайди.

1.6 Омонат ҳисобварағига пул киритилиш санаси \_\_\_\_\_ куни ҳисобланади, омонатни қайтариш санаси \_\_\_\_\_ куни ҳисобланади. Муддатли омонат тури бўйича қайтариш санасида омонатчи томонидан омонат олинмаган ҳолларда, ушбу омонат талаб қилиб олингунча омонат тури шартлари асосида узайтирилган ҳисобланади. Талаб қилиб олингунча ва жамғарма омонат турида омонатни қайтариш санаси омонатчининг ҳоҳишига кўра ҳисобварағини тўлиқ ёпган сана ҳисобланади.

1.7. Ўзбекистон Республикаси Солиқ кодексининг 382-моддасига асосан Ўзбекистон Республикаси норезиденти бўлган жисмоний шахснинг омонат фоизи даромад тўловларидан 10 фоиз солиқ ундирилиши шарт.

### 2. Томонларнинг ҳуқуқ ва мажбуриятлари

2.1. Банкнинг ҳуқуқлари:

2.1.1. “Омонатчи”нинг ҳисобварағидаги пул маблағлари қолдиғи ўзгарганда (кирим ва чиқим амалиётлари бўлганда) омонатчига омонат қолдиғи тўғрисида уяли алоқа телефонига текин бўлган “СМС-хабар” хизмати орқали хабардор қилиш учун, банк омонатчининг уяли алоқа телефони рақамини, зарурий ҳолларда уй телефон рақамини сўраб олиш ҳуқуқига эга.

2.1.2. “Омонатчи” ёки унинг қонуний вакилларида ҳисобварақ очиш ҳамда амалиётларни бажаришда шахсини аниқлаш учун шахсини тасдиқловчи ҳужжатни кўрсатилишини талаб этиш ҳамда унинг нусхасини олиш ҳуқуқига эга. Зарурий ҳолларда қонунда кўзда тутилган бошқа қўшимча ҳужжатларни талаб қилишга.

2.1.3. “Банк” “Омонатчи” ёки унинг вакиллари топшириғига биноан банкнинг омонат ҳисобварағида турган пул маблағлари билан банк операциялари бўйича амалга оширилган хизматлар учун тарафларнинг қўшимча келишувига мувофиқ банк Тарифига асосан воситачилик ҳақи ундириш ҳуқуқига эга.

2.1.4. “Омонатчи” ёки қонуний вакиллари томонидан омонат муддати тугагандан сўнг, омонат маблағларини қайтариб беришни талаб этмаган ёки бошқа омонат турига расмийлаштирилмаган ҳолларда, омонат маблағлари суммасига омонат қайтарилган кунга қадар “талаб қилиб олингунча” омонат тури фоиз миқдорида фоизлар ҳисоблаб борилади.

2.1.5. Талаб қилиб олингунча сақланадиган омонатлар бўйича 1 йил давомида, жамғарма ва муддатли омонатларнинг муддати тугагандан кейин 1 йил давомида фоизлар ҳисобланишидан ташқари ҳеч қандай амалиётлар амалга оширилмаган омонатлар бўйича “Банк” омонат ҳисобварағи чиқим операциясига таъқиқ қўйиш ҳуқуқига эга.

2.2. Банкнинг мажбуриятлари:

2.2.1. Банк “Омонатчи”ни омонат тури, шарт ва қоидалари билан таништиради.

2.2.2. Ушбу шартнома имзоланган куни “Омонатчи”га омонат маблағларини сақлаш учун ҳисобварақ очади ва ушбу ҳисобварақда ҳисобини юритади.

2.2.3. “Омонатчи”га ушбу ҳисобварақ бўйича имзоланган шартноманинг бир нусхасини шунингдек, пул маблағлари қўйилганлиги учун расмийлаштирилган омонат дафтарчани №\_\_\_\_\_ ва тасдиқномани тақдим этади.

2.2.4. Ушбу ҳисобварақ бўйича омонат маблағларига фоизларни ҳисоблаш, ушбу омонат тури қоидадаги шартлар асосида амалга оширади. Омонат суммасига фоизлар ҳар бир ой ўтганидан кейин омонатчининг талаби билан тўланади, бу муддатда талаб қилиб олинмаганда, фоизлар ёзиладиган омонат суммасига қўшилиб борилади. Омонатга топширилган маблағ қўйилган куннинг ўзида тўлиқ ёки қисман қайтадан берилса, фоизларни ҳисоблашда омонат берилган кун тўлиқ ва қисман қайтарилган омонат қисми ҳисобга олинмайди.

2.2.5. Банк “Омонатчи”нинг биринчи талабига асосан омонатдаги пул маблағларини тўлиқ ҳажмда фоизлари билан бирга қайтарилишини таъминлайди ҳамда омонатнинг қайтарилиши таъминланганлиги тўғрисида ахборот бериш мажбуриятини олади.

2.2.6. Ўзбекистон Республикасининг амалдаги қонунчилигига мувофиқ омонатни сир сақланишини таъминлайди. Қонун ҳужжатларида махсус назарда тутилган ҳоллардагина, омонатга алоқадор маълумотлар учинчи шахсларга Омонатчининг розилигисиз берилиши мумкин.

2.2.7. Агар омонатчи муддати тугаган, муддатли омонатини айнан шу омонатга қайтадан қўйиш (муддатини узайтириш) истагини билдирса, банк кассасида чиқим ва қайта кирим амаллари бажарилмасдан, омонат суммаси ва унга ҳисобланган фоизлари (агар омонатчи фоизларни талаб қилмасдан омонат суммасига қўшмоқчи бўлса) билан бирга қайта расмийлаштирилади.

Бунда омонатчига янги омонат дафтарчаси расмийлаштирилмаслиги ва янги ҳисобварақ очилмаслиги мумкин. Ушбу ҳолатлар банк ва миждоз ўртасида тузиладиган омонат шартномасида қайд этиб ўтилиши лозим.

Муддати узайтирилган омонат тўғрисидаги қайдлар омонат дафтарчасининг навбатдаги қаторига киритилиши ва назоратчи имзоси ҳамда муҳри билан тасдиқланиши шарт.

Мазкур қайдлар шахсий ҳисобварақ варақчасининг навбатдаги қаторига киритилади ҳамда омонатчи ва назоратчининг имзолари билан тасдиқланади.

2.2.8. Ўзбекистон Республикаси Марказий банкнинг меъёрий ҳужжатларига мувофиқ омонатга фоизлар кунлик ҳисобланиб, бир йил учун 365 кунга ҳисобланади, яъни фоизлар ойлик ҳисобланганда омонатга қўйилган муддат даврида ўша ойлар неча кундан иборат бўлса шунча кунга ҳисобланади.

2.2.9. Омонат суммасига фоизлар омонат маблағи банкка тушган куннинг эртасидан бошлаб, то у омонатчига қайтарилган ёки бошқа асосларга кўра омонатчининг

ҳисобварағидан ўчирилган кундан олдинги кунгача бўлган даврга ҳисобланади. “Омонатчи”нинг ҳисобварағи хатланганлиги оқибатида банк ушбу ҳисобварақдаги пул маблағларидан фойдалана олмаган давр учун фоизлар ҳисобланмайди ёки ёзилмайди.

2.2.10. “Банк” томонидан омонат маблағларини “Омонатчи”га ёки қонуний вакилига фақатгина, ушбу ҳисобварақ бўйича берилган омонат дафтарчага мувофиқ, омонат дафтарча йўқолган ҳолларда омонат дафтарча йўқолганлиги тўғрисидаги аризасига мувофиқ, “Омонатчи” ёки қонуний вакили томонидан шахсини тасдиқловчи ҳужжат кўрсатилганда тўлаб берилади.

2.3 Омонатчининг ҳуқуқлари:

2.3.1. Пул маблағларини омонат ҳисобварақларида сақлаш учун “Банк” томонидан жисмоний шахсларга таклиф этилган омонат турларининг қоидалари билан танишиб чиқиш ҳуқуқига эга.

2.3.2. “Банк”да ҳоҳлаган сонда омонат ҳисобварақлари очиш ҳуқуқига эга.

2.3.3. “Омонатчи” омонат ҳисобварағига нақд пул ёки нақд пулсиз шаклларда маблағларини киритиши, ҳисобварақдан пул маблағларини чиқим қилиб олиши ҳамда аризасига асосан нақд пулсиз шаклда бошқа ҳисобварақларга ўтказиши мумкин.

2.3.4. “Омонатчи” ҳисобварақга пул маблағларини киритгандан сўнг, белгиланган тартибда расмийлаштирилган омонат дафтарчани ва тасдиқномани олиш ҳуқуқига эга.

2.3.5. Агар омонатга қўйилган маблағ бўйича омонат турининг шарт қоидасида назарда тутилган бўлса, “Омонатчи” муддати тугаган, муддатли омонатини айнан шу омонатга қайтадан қўйиш (муддатини узайтириш), яъни омонат суммаси ва унга ҳисобланган фоизлари (агар омонатчи фоизларни талаб қилмасдан омонат суммасига қўшмоқчи бўлса) билан бирга қайта расмийлаштириш ҳуқуқига эга.

2.3.6. Омонатга қўйилган маблағларни ўзи ёки қонуний вакили орқали Ўзбекистон Республикасининг амалдаги қонунчилигига мувофиқ тасарруф этиши, шунингдек банкдан омонатлари тўғрисидаги маълумотларни оғзаки, ёзма ва уяли алоқа телефонида “СМС-хабар” шаклда ёки Интернет орқали [www.Garantbank.uz](http://www.Garantbank.uz) вебсайт орқали олишга ҳақли.

2.3.7. Омонатнинг сақлаш муддати тугаганда, ушбу шартномада кўрсатилган шартларга мувофиқ, омонат ҳисобварақдан пул маблағларини унга ҳисобланган фоизлар билан бирга тўлиқ ҳажмда олиш ҳуқуқига эга.

2.3.8. “Омонатчи” банкдан кредит олганда, шартномага тарафларининг қўшимча келишувига асосан омонатга қўйилган маблағлар ва унга ҳисобланган фоизлар ҳисобидан мазкур кредит қарздорликларини коплаш ҳуқуқига эга.

2.3.9. Омонатни тасарруф этиш учун “Омонатчи” ҳоҳлаган шахсга банк ҳисобварағидан бир марта ёки бир неча марта пул олиш, омонат бўйича ҳисобланган фоизларни ва омонат суммасини тўлиқ олиш ёки омонатни қайта расмийлаштириш ҳамда бошқа турдаги омонатга ўтказиш амалиётлари учун “Ишончнома” бериши ёки расмийлаштириш ҳуқуқларига эга.

2.4. Омонатчининг мажбуриятлари:

2.4.1. Пул маблағларини омонатда сақлаш учун омонат турларининг шарт-қоидаси билан танишиб чиққандан сўнг, “Омонатчи” омонат бўйича расмийлаштириладиган ҳужжатларга ўзининг хусниҳати билан ёзиши ва имзоси билан тасдиқлаши шарт.

2.4.2. Омонат ҳисобварақ очиш учун “Банк”га шахсини тасдиқловчи ҳамда бошқа зарурий ҳужжатларни тақдим этиш. Омонатчи ёки унинг вакилини шахсини тасдиқловчи ҳужжатларда ўзгаришлар бўлганда, бу ҳақда банкни хабардор қилади.

2.4.3. “Омонатчи” ушбу шартноманинг 1.2 бандида кўрсатилган суммани шартнома имзоланган кундан кечиктирмасдан банк кассасига топшириши ёки ўзининг омонат ҳисобварағига ўтказиб бериши шарт.

2.4.4. “Омонатчи” ёки унинг қонуний вакиллари топшириғига биноан омонат ҳисобварағида турган пул маблағлари билан банк операциялари бўйича амалга оширилган хизматлар учун банк Тарифига асосан воситачилик ҳақини тўлайди. Муддатли омонатларга очилган ҳисобварақлар бўйича бажариладиган амалиётлар бундан мустасно.

2.4.5. Олинган омонат дафтарчани яхши ҳолатда сақлаши, йўқотилган ҳолларда бу ҳақида “Банк”ка ёзма равишда хабар бериши шарт.

2.4.6. Муддатли омонатни сақлаш муддати тугамасдан олиш истаги бўлса, “Банк”ни омонатни олишни мўлжалланаётган санадан камида бир ой олдин хабардор қилиши шарт.

2.4.7. “Омонатчи” амалдаги қонун ҳужжатларига тўлиқ риоя этган ҳолда омонат маблағларини шахсан ўзи ёки вакили орқали “Банк”нинг омонат кассаларига топшириши шарт. Омонатчи вакилга омонат бўйича ҳисобварақ тўғрисида зарур маълумотларни бериш билан улардан пул маблағларини олишга рози бўлган деб ҳисобланади.

2.4.8. Омонатни қабул қилиш ваколатига эга бўлмаган “Банк”нинг масъул шахсларига омонат бўйича ҳужжатларни расмийлаштирмасдан пул маблағларини топшириш қатъиян тақиқланади.

2.4.9. “Омонатчи”нинг ҳисобварақдаги пул маблағлари дахлсизлиги таъминлаш мақсадида, “Омонатчи” ҳар чоракда камида бир маротаба банкга келган ҳолда ҳисобварақдаги омонат қолдиғи ва фоизларини омонат дафтарчасидаги қолдиғи билан мос келишини солиштириб туриш мажбуриятини олади.

### **3. Тарафларнинг жавобгарлиги**

3.1. Тарафлар ушбу шартномада кўрсатилган мажбуриятларини бажармаган ёки лозим даражада бажармаган тақдирда, Ўзбекистон Республикасининг амалдаги қонун ҳужжатларида белгиланган тартибда жавобгар бўладилар, шунингдек шартнома шартлари лозим даражада бажарилмаганлиги юзасидан келиб чиққан зарарларни қоплайдилар.

3.2. “Омонатчи” омонатга доир қонун ҳужжатлари, ушбу шартнома ва омонат тури қондасига риоя этмасдан ёки қонунбузарликларга йўл қўйиши оқибатида бевосита ўзининг омонат маблағларига етказилган зарар учун “Банк” жавобгарликни ўз зиммасига олмайди.

### **4. Низоларни ҳал қилиш**

4.1. Томонлар ушбу шартнома бўйича юзага келган барча баҳсли ҳолатларни ва келишмовчиликларни музокара йўли билан ҳал этади.

4.2. Мунозараларни музокара йўли билан ҳал этишнинг имкони бўлмаса, низолар Ўзбекистон Республикасининг амалдаги қонунчилигига мувофиқ тегишли суд органлари орқали ҳал этилади.

4.3. Баҳслар ва низолар Банк жойлашган ҳудуддаги ваколатли судлар томонидан кўриб чиқилади.

### **5. Форс мажор ҳолатлари**

5.1. Тарафларнинг бири бошқа тарафнинг олдида ушбу шартнома бўйича олган мажбуриятларини форс-мажор ҳолатларида, яъни тарафларнинг эрки ва истагидан ташқари вужудга келган ҳамда уларни олдиндан кўра билиш ёки бартараф этиши мумкин бўлмаган ҳолатларда (пул кредит сиёсатидаги диноминация, ер кимирлаш, сув тошқини, ёнғин ва бошқа табиий офатлар) бажармаганликлари учун жавобгар бўлмайдилар. Мажбуриятни тўлиқ бажаришдан озод қилиниши учун форс-мажор ҳолатлари асос бўлади.

### **6. Шартномани амал қилиш муддати**

6.1. Мазкур омонат (депозит) шартномаси омонат ҳисобварақга пул маблағлар келиб тушган пайтдан кучга киради ва омонат ҳисобварақ ёпилгунга қадар амал қилади.

6.2. Шартнома мажбуриятлари омонат суммаси ва белгиланган фоиз даромадлари “Омонатчи”га тўлиқ берилганидан сўнг ўз кучини йўқотган ҳисобланади.

6.3. Шартнома мажбуриятларини бир томонлама ўзгартиришга рухсат этилмайди. Шартномага киритилган ҳар қандай ўзгариш ва қўшимчалар ёзма шаклда тузилиб имзоланиб тасдиқланади ҳамда мазкур шартноманинг ажралмас қисми ҳисобланади.

6.4. Ушбу шартнома бир хил ҳуқуқий кучга эга бўлган икки нусхада тузилган бўлиб, тарафларга бир нусхадан берилади.

### **7. Махсус шартлар**

7.1. Банк “Жиноий фаолиятдан олинган даромадларни легаллаштиришга ва терроризмни молиялаштиришга қарши кураш тўғрисида”ги Ўзбекистон Республикаси

Қонунига мувофиқ омонат ҳисобварағи бўйича операцияларни тўхтатиб туришга ёки уни бажаришни рад этишга ҳақлидир.

7.2. Омонатларнинг қайтарилиши Ўзбекистон Республикасининг 2025 йил 18 февралдаги ЎРҚ-1031-сон “Банклардаги омонатларни ҳимоя қилиш кафолатлари тўғрисида” Қонунининг 26-моддасига кўра, бир банкда бир омонатчига тўланадиган компенсация кафолатлаш объекти қолдиғининг икки юз миллион сўм ёки ундан кам бўлса тўлиқ ҳажмини, агар кафолатлаш объектининг қолдиғи икки юз миллион сўмдан кўп бўлса фақат икки юз миллион сўмни ташкил этади.

Чет эл валютасидаги кафолатланган омонат бўйича компенсация Марказий банкнинг кафолатлаш ҳодисаси юзага келган санадаги курси бўйича Ўзбекистон Республикасининг миллий валютасида тўланади.

7.3. Омонат муддати тугагандан кейин ушбу ҳисобварақ бўйича 1 (бир) йил давомида ҳеч қандай амалиёт амалга оширилмаса, ундаги маблағлар 842 - тартиб рақамли “20206 - Жисмоний шахсларнинг талаб қилиб олингунча сақланадиган депозитлари” ҳисобварағида очиладиган мос шахсий ҳисобвараққа ўтказилади.

## 8. Тарафларнинг манзили ва реквизитлари

| “Банк”                                                                 | “Омонатчи”                                                  |
|------------------------------------------------------------------------|-------------------------------------------------------------|
| “Гарант банк” АЖ Амалиёт бошқармаси                                    | Омонатчи                                                    |
|                                                                        | Ф.И.О.                                                      |
| Манзил: 100060, Тошкент шаҳар,<br>Миробод тумани, С. Барака кўчаси 78. | Туғилган санаси: _____                                      |
|                                                                        | Тел: _____                                                  |
|                                                                        | Яшаш манзили: _____                                         |
| МФО 00439 СТИР 201053901                                               | _____                                                       |
| х/в                                                                    | Паспорт: _____                                              |
| _____                                                                  | Берилган санаси: _____                                      |
|                                                                        | Ким _____ томонидан _____ берилган:                         |
| Тел: (71) 255-82-21                                                    | _____                                                       |
|                                                                        | _____                                                       |
| Амалиёт бошқармаси/<br>бошқарувчиси Ф.И.О                              | Филиал                                                      |
|                                                                        | Омонат шартномаси шартлари ва банк<br>Тарифи билан танишдим |
| Имзо _____                                                             | Имзо _____                                                  |